

2
18

RENN - FAH-RER UF EM LIKE - A-BIKE UND E BÄ - BI - COIF - FEUR.

1. Strophe:

Hör uf umemöögge im Garte, es isch Sunntig, angeri Lüt wette vielech no schlafe!
 Spinnsch eigentlech mit dr Schuttballe dinne z schutte!
 Nei, i ha keni Paninibildli, sorry. O nid zum Tüschle!

Mitem Ässe spilt me nid! Nimm itz ändlech d Gable. U z Röhrlu isch zum suge da u nid zum blase!
 Was, dr Kevin het e Stei vo dir a Gring übercho?! Chasch gad deheim blibe!
 Gopfridstutz, u wär putzt eigentlech di Souerei im Badzimmer uf?

Du kapierschs nid!

Refrain

2. Strophe:

He, wieviel Schueh weit dir eigentlech no vor der Türe la lige. I chume da gar nid düre.
 Du chasch itz äm sicher nid i Ungerhose use. Es het Schnee!
 Nei, hüt isch nid Filmtag. Nei, mir luege o nid es Lied ufem Tablet.

Das isch aber nid di ärscht oder? Du geimisch währendem Znacht?
 Pass uuf uf dr Strass! Wett so schnäu fahrsch gheisch de no um! Muesch de nid cho gränne!
 So, u itz rumsch du dini Lego id Chischte. Weisch eigentlech wie weh das tuet, weme zmitz ir
 Nacht mit blutte Füess drufscheit?! Am Tag o.

Wär het ds Trottinett mit ine gno und isch umegfahre, wär?
 Hei, es het gheisse, am elfi sigsch deheime. Was het dis Händy für Zyt?
 Chöit dir eigentlech mau fünf minute ohni z Krache zäme spile?

Was, dis Tram hesch verpasst? I cha di jitz aber nid cho hole. I bisch scho im Pyjama.
 Dä Lärmpegu.....
 D Haar vom Bäbi wachse nid nache. O nid mit em supertüüre Haarwuchsshampoo vom Papa!

Refrain